

卷三

廣文選卷第一

明通議大夫都察院右副都御史大庾劉節廣

天地廣

天地賦

成公子安



惟自然之初載兮道虛無而玄清太素紛以溷淆兮始
 有物而混成何元一之芒昧兮廓開闢而著形爾乃清
 濁剖兮玄黃判離太極既殊是生兩儀星辰煥列日月
 重規兮動以尊地靜以卑尋明迭炤或盈或虧陰陽協
 氣下兮謝寒暑隨時而推移三才殊性五行異位千變
 萬化兮育庶類授之以形稟之以氣色表文采聲有音
 律應兮無方流形品物鼓以雷霆潤以慶雲八風翱翔

書名 廣文選八十二卷 嘉靖十二年序刊本
 撰者 明 劉節 輯
 卷 卷三
 內容分類 集-總集-詩文
 索書號 大木-集部-總集類-3
 編號 D7920300

彩色首頁

東洋文化研究所漢籍目錄 編號: D7920300

東洋文化研究所漢籍目錄所藏漢籍善本全文影像資料庫 索書號: 大木-集部-總集類-3

漢籍善本全文影像資料庫文本廣文選八十二卷 嘉靖十二年序刊本

版權所有: 東京大學 東洋文化研究所

使用上的注意事項

梧右睨鄧林崩石梧岸峒叻藏陰逮至山頂丹壁肆平
靈木夾道神草列生俯瞰太一下視流星旣投冠而棄
劍亦抗魄而盪靈於是大夫之徒稱詩而歸春陽始映
朱華未希卒逢邯鄲之女蕙色玉質命知其麗攢連映
日綺裳下見錦衣上出雖復守禮令人意失遂謠曰碧
玉作碗銀為盤一刻一鏤化雙鸞乃報歌曰美人不見
紫錦衾黃泉應至何所禁妃因別曰見上客兮心歷亂
送短詩兮懷長歎中人望兮豔旣飢爨蹠暮兮思夜半

廣文選卷第二

江都葛澗校

廣文選卷之第三

明通議大夫都察院右副都御史大庾劉節廣

江海 山水附

覽海賦

班叔皮

余有事於淮浦覽滄海之茫茫悟仲尼之乘桴聊從容
而遂行馳鴻瀨以漂鶩翼飛風而迴翔顧百川之分流
煥爛熳以成章風波薄其稟稟邈浩浩以湯湯指日月
以為表索方瀛與壺梁曜金璆以為闈次玉石而為堂
蕙芝列於階路涌醴漸於中唐朱紫彩爛明珠夜光松
喬坐於東序王母處於西箱命韓衆與岐伯講神篇而
校靈章願結旅而自托因離世而高遊騁飛龍之駭駕
歷八極而迴周遠竦節而響應忽輕舉以神浮遵霓霧

之掩蕩登雲塗以凌厲乘虛風而體景超太清以增逝
魔天閣以啓路闢閭闔而望余通王謁於紫宮拜太乙
而受符

首陽山賦

杜季雅

嗟首陽之孤嶺形勢窟其盤曲面河源而抗巖隴瑱隈
而相屬長松落落卉木蒙蒙青羅落莫而上覆穴溜滴
瀝而下通高岫帶乎巖側洞房隱於雲中忽吾覩兮二
老時採薇以從容於是乎乃訊其所求問其所脩州域
鄉黨親戚足儔何務何樂而並茲遊矣二老乃答余曰
吾殷之遺民者也厥胤孤竹作藩北湄少名叔齊長曰
伯夷聞西伯昌之善政育年艾於黃耆遂相攜而隨之
冀寄命乎餘壽而天命之不常伊事變而無方昌伏事

命子忽觀其不祥乃興師於牧野遂干戈以伐
乃棄之而來遊誓不步於其鄉余開口而不食並卒人
乎山傍

終南山賦

班孟堅

伊彼終南巋巖嶙困槩青宮觸紫宸欽峯鬱律萃于霞
芬曖暍掩靄若鬼若神傍吐飛瀨上挺修林立泉落落
密陰沉沉榮期綺季此焉恬心三春之季孟夏之初天
氣肅清周覽八隅皇鸞鸞警乃前驅爾其珍恠碧玉
挺其阿密房溜其巔翔鳳哀鳴集其上清水泌流注其
前彭祖宅以蟬蛻安期饗以延年唯至德之爲美我皇
應福以來臻掃神壇以告誠薦珍馨以祈仙嗟茲介福
永終億年

溫泉賦

張平子

余適驪山觀溫泉浴神井美洪澤之普施乃為賦云陽
 春之月百草萋萋余在遠行顧望有懷遂適驪山觀溫
 泉浴神井風中巒壯厥類之獨美思在化之所原覽中
 域之珍恠無斯水之神靈控湯谷平瀛洲濯日月乎中
 營蔭高山之北延處幽并以間清於是殊方跋涉駿奔
 來臻士女曄其鱗萃紛雜選其如網亂曰天地之德莫
 若生兮帝育蒸人資厥成兮六氣淫錯有疾癘兮溫泉
 汨焉以流穢兮蠲除苛慝服中正兮黜哉帝載保性命
 兮

漢津賦

蔡伯喈

夫何大川之浩浩兮洪流淼以玄清配名位乎天漢披

厚土而載形登源自乎嶓冢引漾澧而東征納陽谷之
 所吐兮兼漢沔之殊名總畎澮之群液演西土之陰精
 遇萬山以左迴兮旋襄陽而南縈切大別之東山兮與
 江相乎通靈嘉清源之勢體兮澹澹浚以安流鱗甲育
 其萬類兮蛟龍集以嬉遊明珠胎于靈蚌兮夜光潛乎
 玄洲雜神寶其充盈兮豈魚龜之足收於是遊目騁觀
 南援三州北集京都上控隴坻下接江湖導財運貨懋
 遷有無既乃風焮蕭瑟勃焉並興揚侯沛以奔駑洪濤
 湧而沸騰額乘流以上下窮滄浪乎三涘觀朝宗之形
 兆看洞庭之交會

靈河賦

應德璉

咨靈川之遐源兮于崑崙之神丘凌增城之陰隅兮賴

后土之潛流衝積石之重險兮披山麓之溢浮蹶龍黃
而南邁兮紆鴻體而因流涉津洛之坂泉播九道之中
州汾頌湧而騰鶩兮恒疊疊而徂征肇乘高而迅逝兮
陽侯沛而震驚有漢中葉兮金隄隤而瓠子傾興萬乘
而親務兮董群后而來營下淇園之豐篠兮投璧玉而
沈星若夫長杉峻檟茂栝芬檀扶疏灌列映水蔭防隆
條動而暢清風白日顯而曜殊光

濛汜池賦

張孟陽

麗華池之湛淡開重壤以停源激通渠於千金承瀍洛
之長川挹洪流之汪濊包素瀨之寒泉既乃北通醴泉
東入紫宮左面九市右帶閭風周墉建乎其表洋波廻
乎其中幽瀆傍集潛流獨注仰承河漢吐納雲霧緣以

采石殖以嘉樹水禽育而萬品珍魚產而無數蒼苔汎
濫脩條無榦綠葉覆水玄蔭珍岸紅蓮焯而秀出繁葩
葩以煥爛遊龍躍翼而上征翔鳳因儀而下觀想白日
之納光覩洪暉之皓盱於是天子乘玉輦時遨遊排金
門出千秋造綠池鏡清流翳華蓋以逍遙攬魚釣之所
收纖緒挂而鱸鮪來芳餌沉而鯁鯉浮豐夥踰於巨壑
信可樂以忘憂

大河賦

成公子安

覽百川之弘壯兮莫尚美於黃河潛崑崙之峻極兮出
積石之嵯峩登龍門而南遊兮拂華陰與曲阿凌砥柱
而激湍兮踰汭洛而揚波體委蛇於后土兮配靈漢於
穹蒼貫中夏之畿甸兮經朔狄之遐荒歷二周之北境

今流三晉之南鄉秦自西而啓壤兮齊據東而畫疆殷
徒涉而水固衛遷濟而遂強趙決流而却魏嬴引溝而
滅梁思先哲之攸歎何水德之難量

首陽山賦

阮嗣宗

正元元年秋余尚為中郎在天將軍府獨往南牆下北
首陽山賦曰

在茲年之末歲兮端旬首而重陰風颺回以曲至兮雨
旋轉而繼襟蟋蟀鳴乎東房兮題鳩號乎西林時將暮
而無儔兮慮悽愴而感心振沙衣而出門兮纓委絕而
靡尋步涉倚以遙思兮喟歎息而微吟將脩飾而欲往
兮衆齷齪而笑人靜寂寞而獨立兮亮孤植而靡因懷
兮索之情一兮穢群為之射真信可實而弗離兮寧高

舉而自儻聊仰首以廣頰兮瞻首陽之罔岑樹藂茂以
傾倚兮紛蕭爽而揚音下崎嶇而無薄兮上洞徹而無
依風翔過而不集兮鳴梟群而並棲颺遙逝而遠去兮
二老窮而永歸寔囚軋而處斯兮焉暇預而敢誹嘉粟
屏而不存兮故甘死而採薇彼皆殷而從唱兮投危敗
而弗遲此進而不合兮又何稱乎仁義肆壽夭而弗豫
兮竟毀譽以為度察前載之是云兮何美論之足慕苟
道求之在細兮焉子誕而多辭且清虛以守神兮豈慷
慨而言之

江上之山賦

江文通

潺湲瀕浴兮楚水而吳江刻劃嶄碎兮雲山而碧峯挂
青蘿兮萬仞豎丹石兮百重巉峨兮崑崙如斲兮如削

崑崙兮尖出巖岬兮空鑿波潮兮吐納嶼峰兮積沓鱗
鱗兮赤尾鼉鼉兮匱匣見紅草之交生眺碧樹之四合
草自然而干花樹無情而百色嗟大道之異茲牽憂恚
而來逼惟爐炭於片景抱絲緒於一息每意遠而生短
恒輪平而路交信懸天兮窈昧豈繁命於才力既群龍
之咸疑焉衆狀之所極俗逐事而變化心應物而廻旋
既剡翕其未悟亦縊縊而已遷伊人壽兮幾何譬流星
之殞天悵日暮兮吾有念臨江上之斲山雖不敏而無
操願從蘭芬與玉堅亂曰折芙蓉兮蔽日興以盪夫憂
心不共愛此氣質何獨嗟乎景沉

物色

雲賦

荀卿

有物於此居則周靜致下動則綦高以鉅圓者中規
者中矩大參天地德厚堯禹精微乎毫毛而充盈乎大
宇忽兮其極之遠也攝兮其相逐而反也叩叩兮天下
之咸蹇也德厚而不損伍采備而成文往來惛憊通于
大神出入甚極莫知其門天下失之則滅得之則存第
子不敏此之願陳君子設詞請測意之曰此夫大而不
塞者與充盈大宇而不窅入郄穴而不偏者與行遠疾
速而不可託訛者與往來惛憊而不可爲固塞者與暴
而殺傷而不億忘者與功被天下而不私置者與託地
而游宇友風而子雨冬日作寒夏日作暑廣大精神請
歸之雲

旱雲賦

賈誼

惟昊天之大旱兮失精和之正理遙望白雲之蓬勃兮
滃滃澹澹而安止運清濁之頽洞兮正重沓而並起鬼
隆崇以崔巍兮時彷彿而有似屈卷輪而中天兮象虎
驚與龍駭相搏據而俱興兮妄倚儼而時有遂積聚而
給沓兮相紛薄而慷慨若飛翔之從橫兮揚波怒而澎
湃正雲布而雷動兮相擊衝而破碎或竊電而四塞兮
誠若雨而不墜陰陽分而不相得兮更惟貪婪而狼戾
終風解而霰散兮遂陵遲而堵潰或深潛而閉歲兮爭
離刺而並逝廓蕩蕩其若滌兮日炤炤而無穢隆盛暑
而無聊兮煎砂石而爛熳陽風吸習焯焯群生悶滿而
愁憤畎畝枯槁而失澤兮壤石相聚而爲室晨夫垂拱
而無事兮釋其鉏耨而下涕憂疆畔之遇害兮痛皇天

之靡濟惜稚稼之旱天兮離天災而不遂懷怨心而不
能已兮竊託咎於在位獨不聞唐虞之積烈兮與三代
之風氣時俗殊而不還兮恐功久而壞敗何操行之不
得兮政治失中而違節陰氣辟而留滯兮猷暴戾而沈
沒嗟乎惜旱大劇何辜于天恩澤弗宣嗇夫寡德羣生
不福來何暴也去何躁也孽孽均之其可悼也僚兮慄
兮以鬱怫兮念思白雲腸如結兮終怨不雨甚不仁兮
布而不下甚不信兮白雲何對奈何人兮

月賦

公孫乘

月出皎兮君子之光鷓雞舞於蘭渚蟋蟀鳴於西堂君
有禮樂我有衣裳倚嗟明月當心而出隱員巖而似鈎
蔽脩堞而分鏡既少進以增輝遂臨庭而高映炎日匪

明皓璧非淨躔度運行陰陽以正文林辯囿小臣不佞

雲賦

揚又

天地定位淳和肇分剛柔初降陰陽烟熅於是山澤通
氣華岱興雲則縹緲絲絲鬱若升烟蹇繁縈以詰屈兮
若虬龍之蟠蜿嶷岐岐以岳立兮狀有似乎列仙東西
絡繹南北油裔隨風徘徊流行菴藹豁兮仰披杳兮四
會凝寒冰於朱夏飛素雪於玄冥洒膏夜於天漢騰鴻
泉泰清乾坤以之交泰品物以之流形江海以之深滿
川谷以之豐盈毛羽以之光澤草木以之葩榮萌芽以
之挺殖苗秀以之積成始於觸石而出膚寸而征終於
霑濡六合浸潤群生蕩滌陳穢含吐嘉祥施暢凱風惠
加春陽擬神化於后土與三曜兮齊光

喜霽賦

繆熙伯

嗟四時之平分兮何陰陽之不均當夏至之勾萌兮或
旱乾以歷旬既人麥之方登兮洎注潦以成川忍下民
之昏墊兮弃嘉穀于中田悼彼昊天兮旁魄后土育我
黎苗兮降之伊祐既垂曜于辰角兮申勸之以九鴈何
災沴之無常兮曾粢盛之弗顧覽唐氏之洪流兮悵侘
條以長懷日黃昏而不寐思達曙以獨哀白日時其浩
旭兮雲滂勃而交回雷隱隱而震其響兮雨霖霖而又
隕察長雷之潺湲兮若龍門之未開賴我后之明聖兮
獨克躬而罪已發一言而感靈兮人靡食其何恃咨天
鑒之遄速兮猶影響之未彰屯玄雲以東徂兮扇凱風
以南翔穹窘皎其呈已兮羲和粲以揚光農夫欣以歛

川田峻耕於封壇

愁霖賦

陸士龍

永寧三年夏六月鄴都大霖旬有奇日稼穡沉湮生民
愁瘁時文雅之士煥然並作同僚見命乃作賦曰在朱
明之季月兮反極陽於重陰與介丘之膚寸兮墜崩雲
而洪沉谷風扇而攸遂兮苦雨播而成淫天決漭以懷
慘兮民嘖感而愁霖於是天地發揮陰陽交烈萬物混
而同波兮玄黃浩其無質雷憑虛以振庭兮電凌牖而
輝室雷鼎沸以駿奔兮潦風驅而兢疾豈南山之暴濟
兮將冥海之甦溢隱隱填填若降自天高岸渙其無涯
兮平原蕩而爲淵遵渚回於凌河兮黍稷仆於中田匱
多稼於億庚兮虛風敬於祈年外薄郊甸內荒都城陰

每時景雷無輟聲纖波於前途兮微律隔於峻庭紛
擾而霧塞兮漫天頽而地盈於是愁音比屋歎發屢省
陽堂乏暉朗室無景望曾雲之萬仞兮想白日之寸脛
感虛無而思深兮對寂寞而言靖毒甚雨之未晞兮悲
夏日之方未瞻大辰以頽息兮仰天衢而引領愁情沉
疾明發哀吟永言有懷感物傷心結南枝之舊思兮詠
疋鳥之遺音羨弁彼之歸飛兮寄予思乎江陰渺天末
以流目兮涕潺湲而沾襟何人生之倏忽痛存亡之無
期方千歲於天壤兮吾固已陋夫靈龜矧百年之促節
兮又莫登乎期願哀戚容之易感兮悲歡頽之難怡考
傷懷於衆苦兮愁豈霖之足悲雲曇曇而疊結之兮雨
淫淫而未散晞朱陽於崇朝兮悲此日之屢晏効豐隆

於岳陽兮執赤松於神館命雲師以歲用兮繼乘龍於
河漢照濛汜之清暉兮炳扶桑之始旦考幽明於人神
兮妙萬物以達觀

雷賦

夏侯孝若

伊朱明之季節兮暑燠赫以盛興扶桑煒以揚燎兮雷
火暉以南升大明黯其潛曜兮天地鬱以同蒸掣丹霆
之誥琰兮奮迅雷之崇崇馳壯音於天上兮激駭響於
地中徒觀其霰雹之所種鑿火石之所燒鑠雲雨之所
澆沃流潦之所淹濯當衝則摧破遇披則織溺山陵爲
之崩盪群生爲之震辟是以大聖變於烈風小雅肅於
天高嗟乾坤之神祇兮信靈化之誕昭故先生制刑擬
雷霆於征伐恢文德以經化兮耀武義以崇烈苟不合

於大象兮馬濟道以成哲

風賦

湛方生

有氣曰風出自幽冥蕭然而起寂爾而停雖宇宙之宏
遠倏俄頃而屢經同神功於不疾等至道於無情胡馬
感而增思風母殞而復生起慘冬之潛蟄達青春之勾
萌因嚴霜以厲威順和澤以開榮故君德喻其靡草風
人假以爲名及其猛勢將奮屯雲結陰洪氣鬱拂殷雷
發音敦然鼓作拂高凌深天無澄景嶺無停林六鷗爲
之退飛萬竅爲之哀吟亦有飄冷之氣不疾不徐颺颺
微扇豐豐清舒王喬以之控鶴列子以之乘虛若乃春
惠始和重褐初釋散步蘭皋遊眇平陌響詠空嶺朗吟
竹栢穆開林以流惠疎神襟以清滌軒濠梁之逸興

方外之宜適

觀象賦

張鏡

陟秀峰以遐眺望靈象於九霄觀紫宮之環周嘉帝座
 之獨標瞻華蓋之蔭藹何虛中之迢迢爾乃縱目遠覽
 傍極四維北監辰極南覩太微左則天紀槍櫛攝提大
 角二咸防奢七公理獄右則少微軒轅尊卑有秩御宮
 典衣女史秉筆內率執禮以伺邪天牢禁愆而察失遠
 尋終古攸然獨詠美景星之繼晷大唐堯之德盛嘉黃
 星之靡鋒明虞舜之不競歎熒惑之舍心高宋景之守
 正桀斬諫以星孛紂耽荒而致彗恒星不見而周衰枉
 矢蛇行而秦滅諒人事之有由豈妖災之虛設誠庸主
 之難悟故明君之所察克無為而觀象况德非乎明哲

赤虹賦

江文通

東南嶠外爰有九石之山乃紅塵十里青萼百仞苔滑
 臨水石險帶溪自非巫咸采藥群帝上下者皆斂意焉
 於時夏蓮始舒春菴未歇蕭舫波渚緩拽汀潭正逢巖
 崖相炤雨雲爛色俄而雄虹赫然暈光耀水偃蹇山頂
 鳥奔江湄僕追而察之實雨日陰陽之氣信可觀也又
 憶昔登鑪峰上手接白雲今行九石下親弄絳蜺二難
 再感而作賦曰

迺邈碣磧兮大極之連山鯁鱗虎豹兮玉虬騰軒孟夏
 茵蓋兮荷葉承蓮悵何意之容與兮異暫緩此憂年失
 代上之異人遲山中之虛迹掇仙草於危峰鑄神丹於
 崩石視鱸岫之吐翕看鼉梁之交積於是紫油上河絳

氣下漢白日無餘碧雲卷半殘雨蕭索光烟艷爛水學
金波石似瓊岸錯龜鱗之峻峻統蛟色之漫漫俄而赤
蜺電出蚴蚪神躑曖昧以變依係不常非虛非實乍陰
乍光艷赫山頂炤燎水陽雖圖緯之有載曠代識而未
逢既咨嗟而躑躅聊周流而從容想番禺之廣野意丹
山之喬峰稟傳說之一星乘夏后之兩龍彼靈物之詎
幾象火滅而出紅餘形可覽殘色未去耀菱蕤而在草
映青蔥而結樹昏青苔於丹渚曖朱草於石路霞晃朗
而下飛日通籠而上度俯形命之窘局哀時俗之不固
定赤舄之易遺乃鼎湖之可慕旣以爲朱鬢白毳之駕
方瞳一角之人帝臺北荒之際弁山西海之濱流沙之
野折木之津雲或恠綵煙或異鱗必雜蜺之氣陰陽之

神焉

廣文選卷第三

江都葛澗校